



SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XI

BROJ: 193

DATUM: 26.12.2014.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

U organizaciji Saveza održana konferencija predsjedavajućih i sekretara općinskih / gradskih vijeća

Potpisani ugovori o dodjeli poticajnih sredstava za unapređenje poduzetničkih zona u 12 općina / gradova

Odabrane općine iz BiH za učešće u Projektu "Prikupljanje podataka o otpadu u zemljama jugoistočne Evrope"

U Doboj Jugu održani dani otvorenih vrata pod nazivom "Svaka kap vode je važna"

Vijeće ministara BiH prihvatilo inicijativu za zaduženje Gradačca od 6 mil eura za vodoopskrbu

Potvrđen ISO standart 9001:2008 za Općinu Iliaš

B.Petrovac će prvi put nakon 100 godina dobiti gruntnicu

Načelnica Općine Doboj J razgovarala sa privrednicima sa područja općine

U Čapljini održana tradicionalna večer gospodarstvenika

Općina Vogošća ulazi u system reciklaže

Općina Centar pomaže općinama u sanaciji šteta od velikih poplava

Partnerstvom do efikasnijeg poslovnog okruženja - IPA Projekat

Bilten Saveza općina i gradova Federacije Bosne i Hercegovine

U ORGANIZACIJI SAVEZA ODRŽANA KONFERENCIJA PREDSEDAVAJUĆIH I SEKRETARA OPĆINSKIH I GRADSKIH VIJEĆA

SARAJEVO, 9. decembar/prosinac

– Savez općina i gradova FBiH, uz podršku Misije OSCE-a u BiH, organizovao je danas u Sarajevu Konferenciju predsjedavajućih i sekretara općinskih i gradskih vijeća FBiH, na kojoj se razmatra položaj i uloga jedinica lokalne samouprave u FBiH.

Na konferenciji je razmatran položaj i uloga jedinica lokalne samouprave u Federaciji BiH, zatim prezentirana je mogućnost zagovaranja i lobiranja za interese lokalnih zajednica - naročito putem poboljšanja saradnje Saveza i predstavničkih tijela na lokalnom nivou, promovisane su dobre prakse u radu općinskih/gradskih vijeća, a ukazano je i na potrebu intenzivnije razmjene znanja i iskustava među lokalnim zajednicama u BiH.

Konferenciji je prisustvovao i šef Misije OSCE-a u BiH Jonathan Moore, koji je u uvodnom obraćanju rekao da su savezi općina i gradova u Bosni i Hercegovini ključni partneri OSCE-a.

"Oni predstavljaju veoma bitnu kariku između jedinica lokalne samouprave i viših razina vlasti pružajući podršku cjelokupnom sistemu uprave u državi", kazao je Moore.

Projekat Podrška savezima općina i gradova, koji je Misija OSCE-a pokrenula prošle godine, jasno ukazuje na ciljeve koje želimo postići – bolje zastupanje jedinica lokalne samouprave u cjelini i poboljšanje međupćinsku i međuinstitucionalnu saradnju u Bosni i Hercegovini. ", istakao je ambasador Jonathan Moore, šef Misije OSCE-a.

"Želimo se više fokusirati na rad sa općinskim i gradskim vijećima, te skupštinama opština i gradova, zato što Projekat prepoznaje važnu ulogu koju ova tijela igraju u oblikovanju lokalnih politika djelovanja, a time i pružanju kvalitetnih usluga svojim građanima", kazao je Moore.

Predsjednik Predsjedništva Saveza općina i gradova FBiH Husejin Smajlović rekao je da "živimo u BiH u kojoj su promjene spore i neizvjesne, i da upravo u takvom ambijentu trebamo obavljati svoj posao, ali da će ostati zabilježeno da u ambijentu koji karakterizira ovakva ustavna pozicija lokalne samouprave, ovakav zakonski tretman lokalne samouprave, ovako učešće lokalne samouprave u raspodjeli javnih prihoda, te ovakva zapuštenost općina i gradova, u ambijentu gdje je administracija zakočena, zaustavljena, ... je lokalna samouprava najbolji dio vlasti u BiH", poručio je Smajlović.

On smatra da Konferenciju treba iskoristiti da se pokrenu novi procesi, da jedni drugima budemo od pomoći, da više sarađujemo, otvaramo mostove saradnje između općina, kantona, te da radimo na zajedničkim projektima.

Direktorica Saveza općina i gradova FBiH Vesna Travljanin kazala je da je ovo završna konferencija za komponentu Projekta koja se odnosi na jačanje saradnje saveza.

Travljanin je navela da je lokalna samouprava temelj svakog razvijenog društva, oslonac za stabilan sistem cijele države, te da je jedan od ciljeva Saveza kontinuirani doprinos jačanju jedinica lokalne samouprave u BiH.

"Napomenula bih da je inicijativa za ovaj projekat došla od samog Saveza, jer smo u potpunosti svjesni da je rad s općinskim i gradskim vijećima veoma važan za lokalnu samoupravu, odnosno za njen razvoj", kazala je Travljanin.

Podsjetila je da je Savez i ranije radio na jačanju saradnje s vijećnicima i da su prvi pokrenuli trening vijećnika 2005. godine, kada je izdat priručnik za vijećnike.

Kazala je da se jedinice lokalne samouprave u BiH susreću sa velikim problemima, ali je dodala da se ukoštac sa njima može uhvatiti samo obučen, edukovan kadar, te zvaničnici koji u detalje poznaju nadležnosti jedinica lokalne samouprave, koji su svjesni problema svoje lokalne zajednice i da jedino oni mogu donijeti kvalitetne odluke koje su oslobođene političkog interesa, a utemeljene su na interesu lokalne zajednice a time i svih njenih građana.



Predstavljen Projekat COBEAR

8

Delegacija komunalnog preduzeća iz
Istanbula u posjeti Tešnju

8

Prezentiran Projekat "Prikupljanje
podataka o otpadu u zemljama jugoistočne Evrope"

8

Javni poziv za kandidovanje programa
utroška preostalog dijela sredstava u
budžetu FBiH za 2014. godinu

9

Objavljen Javni poziv za podršku
projektima u oblasti međuopćinske
saradnje

4

Također, direktorica Saveza najavila je novu konferenciju koja će biti organizovana sa predstavnicima oba doma Parlamenta FBiH, upravo zbog jačanja svijesti o značaju lokalne samouprave.

Ova konferencija je organizovana u sklopu projekta AMCS – "Podrška savezima opština/općina i gradova" čiji je cilj jačanje saveza u zastupanju i lobiranju za interese jedinica lokalne samouprave u BiH.



POTPISANI UGOVORI O DODJELI POTICAJNIH SREDSTAVA ZA UNAPREĐENJE PODUZETNIČKIH ZONA U 12 OPĆINA

SARAJEVO, 22. decembar/prosinac – U sjedištu Vlade FBiH u Sarajevu danas su potpisani ugovori o dodjeli poticajnih finansijskih sredstava za unapređenje poduzetničkih zona u 12 općina/gradova FBiH.

Ugovore je federalni ministar razvoja, poduzetništva i obrta Sanjin Halimović potpisao sa načelnicima/gradonačelnicima općina/gradova: Sanski Most, Maglaj, Tešanj, Usora, Cazin, Livno, Zavidovići, Kreševo, Stolac, Odžak, Zenica i Široki Brijeg.

Ulaganja u infrastrukturu poduzetničkih zona imaju za cilj poboljšanje pristupa, kapaciteta, kvaliteta i atraktivnosti postojećih poduzetničkih zona na lokalnim nivoima, gdje se očekuje da će po finalizaciji realizacije navedeni projekti rezultirati kreiranjem 670 novih radnih mjesta i unapređenjem uvjeta za nove investicije i proširenje poslovnih subjekata u okviru poduzetničkih zona.

Osiguranje sistemske podrške realizaciji razvojnih prioriteta na lokalnom nivou zajednički je cilj zbog kojeg je Federalno ministarstvo razvoja, poduzetništva i obrta, u saradnji sa Projektom integriranog lokalnog razvoja (ILDP), kojeg zajednički podržavaju Vlada Švicarske i UNDP, pokrenuo grant shemu "Unapređenje poduzetničkih zona".

Ukupna vrijednost ovog mehanizma za finansiranje projekata jedinica lokalne samouprave iznosi 1.570.000 KM, od čega je Ministarstvo osiguralo jedan milion KM, a Vlada Švicarske 570.000 KM, dok sufinansiranje jedinica lokalne samouprave iznosi oko 700.000 KM.

Za izgradnju poduzetničke infrastrukture u lokalnim zajednicama u FBiH, resorno ministarstvo je od 2011. godine do danas izdvojilo 5.5 miliona KM.

Federalni ministar razvoja poduzetništva i obrta Sanjin Halimović rekao je da potpisivanje ovih ugovora predstavlja istinski doprinos zapošljavanju i investiranju u BiH.

"Ovo je pravi način da se unaprijedi poslovno okruženje u BiH i poboljša privredni ambijent. Kroz stvaranje pozitivnog poslovnog ambijenta unutar poduzetničkih zona zapravo stvaramo male porodice kompanija, koje će kasnije ličiti na velike privredne subjekte i koji će možda sutra biti generator pokretanja i drugih poduzeća u BiH", kazao je Halimović, te dodao da će na osnovu danas potpisanih ugovora biti obezbijeđen posao za 43 nova privredna subjekta u industrijskim zonama.

On je naveo i da je Ministarstvo spremno podržati i projekte povezivanja privrednih subjekata u klastere, kao i finansiranje izgradnju inkubatora u narednoj godini.



KORISNI LINKOVI ZA PREDPRISTUPNE FONDove EU:

www.southeast-europe.net

www.adriaticpacbc.org

www.interregadriatico.it

www.europa.ba

www.cbib-eu.org

www.cbc-bih-mne.org

www.srb-bih.org

www.cbc-cro-bih.net

www.programmemed.eu

www.tacso.org

www.euroinfocentar.ba

www.balkanfund.org

www.eurelmed.com

www.eacea.ec.europa.eu

Ukupna vrijednost ovog mehanizma za finansiranje projekata jedinica lokalne samouprave iznosi 1.570.000 KM, od čega je Ministarstvo osiguralo jedan milion KM, a Vlada Švicarske 570.000 KM, dok sufinansiranje jedinica lokalne samouprave iznosi oko 700.000 KM.



ODABRANE OPĆINE IZ BIH ZA UČEŠĆE U PROJEKTU „PRIKUPLJANJE PODATAKA O OTPADU U ZEMLJAMA JUGOISTOČNE EVROPE“

Na osnovu javnog poziva za učešće u projektu „Prikupljanje podataka o otpadu u zemljama Jugoistočne Evrope“, u periodu do 20. novembra/studenog 2014. godine, ukupno je dostavljeno 100 prijava općina/gradova i javnih komunalnih preduzeća iz Bosne i Hercegovine, Srbije, Makedonije i Crne Gore.

Koordinacioni odbor (GIZ-a, NALAS-a, SESWE i Aquasan mreže u BiH) je nakon analize i verifikacije dostavljene dokumentacije, te konsultacija sa članovima nacionalnih komisija za preliminarni odabir općina/gradova, donio konačnu listu odabranih općina/gradova za učešće u projektu „Prikupljanje podataka o čvrstom otpadu u zemljama Jugoistočne Evrope“.

Od ukupno 16 jedinica lokalne samouprave koje su izabrane za učešće u projektu iz četiri države regije (Bosna i Hercegovina, Srbija, Crna Gora i Makedonija), iz Bosne i Hercegovine je odabrano četiri i to: Bijeljina, Cazin, Prijedor i Tešanj.

Glavni cilj projekta je da javna komunalna preduzeća i općine/gradovi u Jugoistočnoj Evropi izgrade kapacitete da efikasnije razvijaju i koriste podatke o prikupljenom, tretiranom i odloženom komunalnom otpadu.



U DOBOJ JUGU ODRŽANI DANI OTVORENIH VRATA POD NAZIVOM “SVAKA KAP VODE JE VAŽNA”



Obraćanje Tanje Mihajlović, UNDP-ILDP

Općina Doboj Jug, u sklopu projekta “Rekonstrukcija dijela vodovodne mreže” u Bosanskoj ulici u Matuzićima, organizuje tradnevnu tematsku manifestaciju dana otvorenih vrata pod nazivom “Svaka kap vode je važna”, javljaju iz Općine Doboj Jug. Dani otvorenih vrata se održavaju od 16. do 18. decembra/prosinca 2014. godine.

U okviru ovog projekta će se stare azbestno-betonske cijevi zamijeniti novim PVC cijevima, čime će se poboljšati zdravstveni aspekt vode i smanjiti postojeći gubici vode.

Trenutno se završava prva faza projekta-

iskopi glavnog kanala na cijeloj trasi i polaganje glavnog voda. Naredne dvije faze obuhvataju izgradnju rezervoara na lokaciji R1, izradu kućnih priključaka i spajanje na glavni vod, i puštanje u funkciju cjelokupnog sistema. Završetak kompletnog pojekta predviđa se martu/aprilu 2015. godine.

Direktnu korist od ovog projekta i zamjene AC cijevi imat će oko 1.200-1.300 domaćinstava.

Zamjena dotrajalih AC cijevi prvenstveno će utjecati na redovnije snadbjevanje pitkom vodom naročito u sušnim periodima, pošto su na postojećem AC cjevovodu evidentni veliki gubici vode to će biti od velikog značaja u periodima suša kada su zahvatni kapaciteti vodovoda jako mali, tako da će ušteda na gubitcima vode biti od velikog značaja. Pored toga poznat je i štetan uticaj azbesta na sami kvalitet vode, pa je tako ovaj projekat opravdan i iz ovih razloga. Također, na ovaj način izbjeci će se česti kvarovi koji su sada prisutni na AC cjevovodu pa će ugradnja novih cijevi u mnogome olakšati i poslovanje samog komunalnog preduzeća, gdje neće biti potreba za čestim sanacionim intervencijama i prekidima snadbjevanja pitkom vodom.

Ovim projektom je obuhvaćena samo MZ Matuzići gdje i postoji AC cjevovod. U MZ Mravići nije instaliran AC cjevovod, a već je u dobrom dijelu odrađena sanacija starijih vodova.

Kako je Strategijom razvoja općine Doboj Jug do 2020. godine rješavanje snadbjevanja pitkom vodom među prioritarnim projektima, stalno će se tragati za najboljim i najracionalnijim rješenjima ovog pitanja i u narednom periodu (praćenje novih tehnoloških rješenja, izrada projekata za sanaciju i proširenje vodosistema i sl), jer je to od životne važnosti za građane ove općine. Projekat se realizuje sredstvima Fonda za poticaj lokalnog razvoja u okviru Projekta integriranog lokalnog razvoja (ILDP), koji predstavlja zajedničku inicijativu Vlade Švicarske, Razvojnog programa Ujedinjenih nacija u BiH i Općine Doboj Jug.



Rekonstrukcija vodovodne mreže u Matuzićima

Projekat se realizuje sredstvima Fonda za poticaj lokalnog razvoja u okviru Projekta integriranog lokalnog razvoja (ILDP), koji predstavlja zajedničku inicijativu Vlade Švicarske, Razvojnog programa Ujedinjenih nacija u BiH i Općine Doboj Jug.



Grb Općine Gradačac

VIJEĆE MINISTARA BIH PRIHVATILO INICIJATIVU ZA ZADUŽENJE GRADAČKA OD ŠEST MILIONA EURA ZA VODOOPSKRBU

SARAJEVO, 8. decembar/prosinac – Vijeće ministara BiH prihvatilo je Inicijativu Ministarstva financija i trezora i imenovalo izaslanstvo za vođenje pregovora radi zaključivanja Ugovora o zajmu (Projekt vodoopskrbe Gradačca) između BiH i Europske banke za obnovu i razvoj u vrijednosti šest miliona eura.

Na ovaj način će se Općini Gradačac proširiti postojeća vodovodna mreža, kako bi se obuhvatila naselja smještena u njezinom južnom dijelu.

Projekt će biti sufinanciran investicijskim grantom vrijednim dva milijuna eura iz Fonda SIDA – EBRD – Program komunalne zaštite okoliša i klime, kao i tehničkom pomoći u iznosu od 600.000 eura.

Rok otplate zajma je 15 godina, uključujući tri godine grejs perioda, a projekt bi trebao biti završen do kraja 2017. godine.

Ministarstvo financija i trezora, nakon završenih pregovora, dostaviće Vijeću ministara Nacrt ugovora o zajmu.

POTVRĐEN ISO STANDARD 9001:2008 ZA OPĆINU ILIJAŠ

ILIJAŠ, 18. decembar/prosinac – Certifikacijska kuća Bureau Veritas izvršila je danas, putem svog predstavništva nadzorni audit u Općini Ilijaš, kako bi se provjerilo da li su sve procedure usklađene sa zahtjevima standarda ISO 9001:2008. Nadzorni audit je proveo certificirani auditor gospodin Nijaz Alispahić, koji je na završnom sastanku potvrdio da: "Općina Ilijaš efektivno primjenjuje planirani sistem upravljanja, da je sistem upravljanja sposoban ostvariti ciljeve i politiku organizacije, te da je u skladu sa zahtjevima standarda".

Gospodin Alispahić je istakao da se novo izdanje ISO standarda očekuje u septembru 2015. godine, koji će dodatno poboljšati politiku kvaliteta.

Općina Ilijaš je uvela ISO standard 2005. godine i cilj je pristupiti recertificiranju iduće godine, te nastojati uvesti novi ISO standard. Uvođenjem novog ISO standarda Općina Ilijaš će biti efikasniji servis u službi građana, čime će i kvalitet pruženih usluga u potpunosti ispuniti zahtjeve i očekivane potrebe svih korisnika u skladu sa najvišim svjetskim standardima.

"Dobijanje certifikata i potvrde nadzornog auditora da se poštuje standard ISO 9001:2008 za Općinu Ilijaš predstavlja veliku čast i zadovoljstvo, ali i obavezu da se nastavi putem kontinuiranog poboljšanja kvalitete pružanja usluga građanima Općine Ilijaš", rekao je Općinski načelnik g. Akif Fazlić.



KORISNI LINKOVI ZA PREDPRISTUPNE FONDove EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



Grb Općine Bosanski Petrovac

BOSANSKI PETROVAC Ć PRVI PUT NAKON 100 GODINA DOBITI GRUNTOVNICU

BOSANSKI PETROVAC, 16. decembar/prosinac – Bosanski Petrovac će poslije 100 godina prvi put dobiti gruntovnicu o vlasništvu nekretnina, dogovoreno je to danas na sastanku Općinskog načelnika, Zlatka Hujica sa direktorom Federalne uprave za geodetske poslove, Željkom Obradovićem i Senadom Karabegovićem, Šefom Zemljišno-knjižnog ureda u Bihacu, navodi se na općinskoj web stranici.

Općina Bosanski Petrovac jedna je od samo deset općina na području Bosne i Hercegovine, koja ima Popisni katastar posjeda nekretnina, i nema gruntovnicu, što cjelokupnu općinu od 750 hiljada kvadratnih metara zemljišta ostavlja bez uknjiženog vlasništva.

Donošenjem novog Zakona o stvarnim pravima u Federaciji Bosne i Hercegovine, građani Bosanskog Petrovca onemogućeni su da vrše uknjižbu nekretnina, na osnovu tz. Popisnog katastra. „Uspostavom i barem djelomične gruntovnice, za danas dogovorene tri katastarske općine, za koju je pripremljena dokumentacija, veliki je napredak u stvaranje ambijenata za ekonomski razvoj i privlačenje investitorima, mi u Bosanskom Petrovcu čekamo na svoj grunt 100 godina “- rekao je Zlatko Hujic, načelnik Općine Bosanski Petrovac.

Direktor Federalne uprave za geodetske i imovinsko-pravne poslove, Željko Obradović, snažno je podržao rad općinske administracije i obećao daljnju materijalnu podršku na jačanju katastra u Općini Bosanski Petrovac.



NAČELNICA DOPĆINE DOBOJ JUG RAZGOVARALA SA PRIVREDNICIMA SA PODRUČJA OVE OPĆINE



Grupa od tridesetak privrednika Općine Doboj Jug odazvala se pozivu općinske načelnice Jasminke Begić. U poslovnom ambijentu firme Ganjgo-Line razgovaralo se o prevazilaženju teškoća nakon majskih poplava, te o aktuелnoj situaciji u oblasti privrede. Privrednici su bili konkretni u viđenju trenutnog stanja, pogotovo nakon diskusija oko apliciranja prema višim nivoima vlasti i međunarodnim organizacijama na javne pozive za sanacije šteta, zatim na rješavanje prijeko potrebne infrastrukture u općini kojom bi se plavno područje zaštitilo od budućeg

izlivanja rijeka, kao što je izdizanje nasipa na desnoj obali rijeke Usore, gdje su privrednici spremni po principu javno-privatnog partnerstva sudjelovati u ovakvim značajnim investicijama. Bilo je govora i oko proširenja elektro-naponske mreže, skupih taksi i komplikovanih procedura za ostvarivanje prava na kreditne linije i sl.

Općinska načelnica je izrazila nadu da će se odbrambeni zaštitni pojas na r. Usori rješavati u sklopu izgradnje buduće silazno-uzlazne petlje na koridoru V-C koja će se naslanjati na područje Doboj Juga. Jedan broj privrednika je uspješno aplicirao na podsticajna i donatorska sredstva kojima su osposobili svoje firme nakon poplava, te su sa kolegama na ovu temu razmjenili iskustva. Za devetnaest privrednika uručene su zahvalnice za podršku akciji "Jedan paketić-jedan osmijeh" za djecu Doboj Juga. Nakon ovoga uslijedila je prezentacija na temu obnovljivih izvora energije koju je prezentirao predsjednik Udruženja građana „Geopa“ Zenica Said Bečić.



U ČAPLJINI ODRŽANA TRADICIONALNA VEČER GOSPODARSTVENIKA

ČAPLJINA, 19. decembar/prosinac — Sinoć se u svadbenom salonu "Astoriya" u Tasovčićima održala još jedna, tačnije šesta po redu večer gospodarstvenika, navodi se na općinskoj web stranici.

Glavna tema večeri bila je svođenje računa na gospodarskom planu, u želji da se dođe do konačnih podataka koliko se čapljinsko gospodarstvo uspjelo oduprijeti gospodarskoj krizi i recesiji.

Na samom početku večeri čapljinski načelnik dr. Smiljan Vidić zahvalio se gospodarstvenicima na dolasku te istaknuo kako smo na kraju još jedne godine koja je bila opterećena brojnim političkim i gospodarskim problemima. Međutim, večer gospodarstvenika je bila zamišljena za ljude koji svojim radom, svojim djelovanjem značajno doprinose razvoju naše općine. Istaknuo je kako se nada da će se ova tradicija nastaviti sljedeće godine, gdje će biti mnogo više novih gospodarstvenika, posebice onih koji su spremni doći investirati u Čaplinu, te iskoristio priliku da svim uzvanicima čestita Božić i novogodišnje blagdane.



Grb Općine Čapljina

OPĆINA VOGOŠĆA ULAZI U SISTEM RECIKLAŽE

VOGOŠĆA, 25. decembar/prosinac — Načelnik Općine Vogošća Edin Smajić, predstavnik preduzeća "Aida Commerce" Sead Alić i direktorica "Ekopaka" Amela Hrbat juče su u Vogošći potpisali Ugovor o uspostavi sistema za selektivno odlaganje ambalažnog otpada i njegove pripreme za reciklažu na području općine Vogošća.

Time je Vogošća postala prva općina u Kantonu Sarajevo koja ulazi u "Sistem zelene tačke", koji "Ekopak", prvi ovlašteni operater sistema, gradi po uzoru na evropska iskustva i prakse ostalih članica PRO EUROPE-a, krovne evropske organizacije operatera sistema.



Grb Općine Vogošća

**KORISNI LINKOVI ZA
PREDPRISTUPNE FONDove EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu

Današnjim potpisivanjem protokola okončana je raspodjela 500.000 KM, koliko je Općina Centar izdvojila za pomoć nastradalim općinama u cijeloj BiH.

"Ekopak" se tim ugovorom obavezuje da će finansirati nabavku zvona za uspostavu sedam ekootoka, sufinansirati izgradnju i opremanje površina, te provesti edukativno-promotivne aktivnosti usmjerene na podizanje svijesti građana o pravilnom odlaganju i reciklaži ambalažnog otpada. Eko otoci koji će biti postavljeni će imati poseban izvor osvjetljenja solarnom energijom, što je prvi ovakav primjer u Bosni i Hercegovini.

„Općina Vogošća prepoznala je važnost upravljanja otpadom i s tim u vezi je potražila najboljeg mogućeg partnera za ovaj projekt i pronašli smo ga u firmi "Ekopak". Svakako je čast to što smo prva općina u Kantonu Sarajevo koja gradi ovu vrstu zelenih otoka“, rekao je načelnik Općine Vogošća Edin Smajić.

Nakon dodjele kontejnera za razdvajanje stakla, papira i plastike pristupit će se izgradnji i uređenju mjesta na kojima će kontejneri biti smješteni.

Lokaliteti će biti u skladu s ekološkim normama i standardima, a nosit će i simboličnu poruku, jer će biti osvijetljeni obnovljivom solarnom energijom, na kojima će biti smještena zvona za odlaganje otpada.

„Izuzetno nam je drago da je i "Ekopak" u nama vidio ozbiljnog partnera s kojim može da krene u realizaciju ovog projekta prvi put u Kantonu Sarajevo. Nakon provedbe ovog projekta mi u planu imamo i uspostavljanje reciklažnog dvorišta na lokalitetu Nove industrijske zone gdje će sav prikupljeni otpad biti adekvatno zbrinut, a to će ujedno biti i otkupna stanica za sve one koji zbrinjavanje otpada budu vidjeli kao mogućnost ostvarivanja dodatnog prihoda“, dodao je Smajić.

Direktorica "Ekopaka" Amela Hrbat istakla je da je pohvalna činjenica da je nakon deset općina širom Federacije BiH u kojima "Ekopak" uspostavlja sistem odvojenog prikupljanja i reciklaže ambalažnog otpada, na red došlo i Sarajevo.

ekopak

Prvi ovlašteni operater sistema upravljanja ambalažom i ambalažnim otpadom u BiH

OPĆINA CENTAR POMAŽE OPĆINAMA U SANACIJI ŠTETA OD VELIKIH POPLAVA



U Općini Centar je u prisustvu Nedžada Ajnadžića, predsjedavajućeg Općinskog vijeća Centar, 23. decembra 2014. godine upriličeno potpisivanje protokola o realizaciji granta iz budžeta Općine Centar namijenjenog za sanaciju posljedica majskih poplava i klizišta na području općina Teočak i Sapna (Federacija BiH) te opštine Vukosavlje i grada Bijeljine (Republika Srpska), navodi se na web stranici Općine Centar Sarajevo. Ovim protokolima Općina Centar donira pomenutim lokalnim zajednicama po 10.000 KM.

U općini Teočak donirana sredstva će biti iskorištena za sanaciju objekata oštećenih usljed pokretanja klizišta i za zbrinjavanje evakuisanog stanovništva, a u općini Sapna za izgradnju potpornog zida radi zaštite izvorišta pitke vode. U opštini Vukosavlje donirani novac će poslužiti za sanaciju objekata oštećenih tokom poplava, a na području Bijeljine će biti iskorišten za izgradnju temelja za postavljanje montažnih kuća.

Predsjedavajući Ajnadžić je prilikom potpisivanja protokola kazao da su predstavnici izvršne i zakonodavne vlasti Općine Centar obišli mnogo poplavljenih područja gdje su uručili pomoć, ali da zbog obaveza oko usvajanja Budžeta Općine Centar za 2015. godinu nisu bili u mogućnosti obići i ove četiri općine. Današnjim potpisivanjem protokola okončana je raspodjela 500.000 KM, koliko je Općina Centar izdvojila za pomoć nastradalim općinama u cijeloj BiH.

„Mi smo jedna od rijetkih općina koja je izdvojila ovoliko sredstava za tu namjenu, a iznos pomoći bi bio veći da nismo morali sanirati štetu na zgradi Općine Centar nakon velikog požara tokom februarskih demonstracija građana. Imamo namjeru da i u budžetu za narednu godinu odvojimo dio sredstava za pomoć manje razvijenim općinama. Siguran sam da bi i vaše općine pomogle nama ukoliko se nađemo u kakvoj nevolji“, kazao je Ajnadžić.



Prisutni su uputili riječi zahvale Općini Centar za pomoć i ukazanu pažnju prema općinama stradalim tokom majskih poplava. Zamjenik gradonačelnika Bijeljine Huso Zečkanović je naglasio da je tamo poplavljeno oko 10.500 domaćinstava sa 30.000 stanovnika. Direktna šteta na stambenim objektima procijenjena je na 123 miliona KM, a štete na poljoprivrednim i industrijskim dobrima na oko 390 miliona KM. Savjetnica načelnika Općine Teočak Senija Bubić je kazala da je šteta u ovoj općini od bujica i klizišta procijenjena na 7 miliona KM što je petogodišnji budžet Teočaka. Načelnik Općine Sapna Ismet Omerović je rekao da je u ovoj maloj općini, sa budžetom od dva miliona, šteta procijenjena na 16 miliona. Klizišta su na ovom području u potpunosti uništila 39 kuća. Božo Mišić, zamjenik načelnika Opštine Vukosavlje je istakao da im je svaka pomoć dobrodošla jer je njihov budžet 1,5 milion maraka, dok je šteta procijenjena na 5,5 miliona KM.



Grb Općine Centar Sarajevo

PARTNERSTVOM DO EFIKASNIJEG POSLOVNOG OKRUŽENJA-IPA PROJEKAT

23. decembar/prosinac – Sredinom jedanaestog mjeseca 2014. godine Udruženje NEZAVISNI BIRO ZA RAZVOJ (NBR) Gradačac je, zajedno s ko-aplikantima Udruženjem BOSPER Tuzla, Općinom Odžak, Opštinom Modriča, Agencijom za razvoj Vukovarsko-srijemske županije-HRAST Vinkovci, započeo s implementacijom projekta "Partnerstvo za efektivnu implementaciju lokalnog ekonomskog razvoja u Sjeveroistočnoj Bosni i Hercegovini".

Projekt, u trajanju od 26 mjeseci, financira Europska unija u okviru IPA 2011 – Podrška lokalnom ekonomskom razvoju u BiH. Ukupna vrijednost Projekta iznosi 485.957,83 EUR, od čega Europska unija financira 410.634,37 EUR ili 84,5 %.

Projektom se želi doprinijeti unaprjeđenju poslovnog okruženja, kroz aktiviranje potencijalnih resursa lokalnih zajednica, kako bi se stvorili bolji uvjeti za razvoj konkurentnosti malih i srednjih poduzeća (MSP-a), a time doprinijelo i otvaranju novih radnih mjesta.

Tijekom realizacije projekta bit će osnovan KLASTER za razvoj tipičnih proizvoda u Sjeveroistočnoj Bosni i Hercegovini, s razvijenom i funkcionalnom infrastrukturom za operiranje i razvoj Klastera (izrađena 4 plana i ojačano 30 članova Klastera).

Između ostalog, bit će:

- Uspostavljen Centar za proizvodnju, skladištenje i pružanje usluga s cca 1.000 m² prostora u Modriči i Odžaku;
- Nabavljena laboratorijska oprema za Centar za standardizaciju i kontrolu kvalitete pri Tehnološkom fakultetu u Tuzli;
- Razvijen Centar za promociju i pružanje usluga, pri BOSPER Tuzla, u okviru kojeg će, po adaptaciji 65 m² prostora djelovati Dućan - "Kuća okusa" s tradicionalnim prehrambenim i zanatskim tipičnim proizvodima ovog područja.

Druga grupa aktivnosti usmjerena je prema smanjenju regulatornih ograničenja i rezultiraće smanjenjem najmanje 5 regulatornih ograničenja za MSP-a, uvođenjem najmanje jednog financirajućeg instrumenta za MSP-a, uvođenjem nove usluge kroz osnivanje sistema info pulta za MSP-a u 15 općina, poboljšanjem inovativnosti i konkurentnosti najmanje 2 ulagačka potencijala u lokalnim zajednicama....

Projekt će se provoditi uz suradnju s turističkim zajednicama Tuzlanskog kantona i Županije Posavske, Turističkom organizacijom Modriča i Tehnološkim fakultetom Univerziteta u Tuzli. Zapaženu ulogu u provedbi projekta imat će Grad Tuzla, Ministarstvo razvoja i poduzetništva Tuzlanskog kantona, Mreža tipičnih proizvoda u BiH, općine Tuzlanskog kantona i mediji.

Da bi se obavile kvalitetne pripreme za odgovarajuće i pravovremeno implementiranje Projekta, tokom ovog mjeseca, održani su sastanci Tima za implementaciju i Upravnog odbora, na kojima su uspostavljeni upravni organi i tijela projekta, te usvojen Operativni plan i drugi akti bitni za implementacije projekta. (Ekapija.ba)



IPA INSTRUMENT FOR PRE-ACCESSION ASSISTANCE

Projekt, u trajanju od 26 mjeseci, financira Europska unija u okviru IPA 2011 – Podrška lokalnom ekonomskom razvoju u BiH. Ukupna vrijednost Projekta iznosi 485.957,83 EUR, od čega Europska unija financira 410.634,37 EUR ili 84,5 %.

U okviru COBEAR projekta bit će pružena podrška izvozno orijentisanim malim i srednjim preduzećima uz razvoj poslovnog okruženja i unapređenje stanja na tržištu kvalifikovane radne snage u BEAR području ...

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

PREDSTAVLJEN PROJEKAT COBEAR

TEŠANJ, 22. decembar/prosinac – Danas je u Općini Tešanj predstavljen projekat COBEAR – konkurentnost područja poslovne izvrsnosti. Projektni implementatori (TRA - Razvojna agencija općine Tešanj, Opština Teslić, RAŽ - Razvojna agencija Žepče i Udruženje privrednika Biznis-centar Jelah-Tešanj) predstavili su projekat, glavne ciljeve i rezultate. U okviru COBEAR projekta bit će pružena podrška izvozno orijentisanim malim i srednjim preduzećima uz razvoj poslovnog okruženja i unapređenje stanja na tržištu kvalifikovane radne snage u BEAR području (Teslić-Tešanj-Žepče). Tokom današnjeg predstavljanja projekta, prisutnim gostima, prigodnim govorom obratili su se i načelnik Teslića, Milan Miličević, Žepča, Mato Zovko i Tešnja, Suad Huskić.



„Sretan sam i zadovoljan što se uspješna saradnja ovih općina pretvorila u novi projekat koji će doprinijeti boljem ekonomskom razvoju i omogućiti nova radna mjesta“, kazao je načelnik Suad Huskić.

Ukupna vrijednost projekta je oko 527 hiljada eura, od čega je Evropska unija obezbijedila 440 hiljada eura.

DELEGACIJA KOMUNALNOG PREDUZEĆA IZ ISTANBULA U POSJETI TEŠNJU



TEŠANJ, 25. decembar/prosinac – Delegacija Komunalnog preduzeća grada Istanbula za upravljanje otpadom (ISTAÇ) ovih dana boravi u radnoj posjeti Tešnju i Bosni i Hercegovini. Danas je delegaciju, koju predvodi Projekt menadžer preduzeća Vahit Balahorli, ugostio Općinski načelnik Suad Huskić sa saradnicima, te im predstavio osnovne podatke o općini Tešanj, posebno oblast prikupljanja otpada, navodi se na web stranici Općine Tešanj.

Povod posjete je mogućnost saradnje preduzeća ISTAÇ i našeg komunalnog preduzeća Rad na projektima upravljanja otpadom, kao i razgovor o konkretnim

projektima, kazao je Općinski načelnik Suad Huskić.

Tokom posjete Tešnju, delegacija preduzeća ISTAÇ će posjetiti komunalno preduzeće Rad, deponiju otpada, a prisustvovat će i obilježavanju pet godina projekta prikupljanja PET ambalaže. Komunalno preduzeće ISTAÇ brine se o skupljanju, odlaganju i recikliranju otpada za 15 miliona stanovnika Istanbula.

PREZENTIRAN PROJEKAT „PRIKUPLJANJE PODATAKA O OTPADU U ZEMLJAMA JUGOISTOČNE EVROPE“

U Novom Sadu je održana prezentacija projekta i potpisivanje Deklaracije o učešću 16 odabranih gradova i općina iz četiri zemlje jugoistočne Evrope: Srbija, Bosna i Hercegovina, Makedonija i Crna Gora na projektu „Prikupljanje podataka o čvrstom otpadu u zemljama jugoistočne Evrope“. Projekat implementiraju Mreža asocijacija lokalnih vlasti jugoistočne Evrope (NALAS) uz podršku Njemačke organizacije za međunarodnu saradnju (GIZ).

Potpisnici Deklaracije pristupaju Projektu čiji je cilj da gradovi i općine i njihova komunalna preduzeća kroz period implementacije, do februara 2016. godine izgrade svoje kapacitete razmjenom znanja i dobrih praksi na regionalnom nivou i da efikasnije razvijaju i koriste podatke o prikupljenom, tretiranom i odloženom komunalnom otpadu. Općinu Tešanj predstavljali su Hamzalija Hojkurić, pomoćnik Općinskog načelnika i Mirsad Šaranović, Direktor JP RAD. Pored općine Tešanj, u projektu učestvuju još tri općine i Bosne i Hercegovine - Bijeljina, Cazin i Prijedor.





Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:

Pratite Savez općina i gradova Federacije Bosne i Hercegovine na



Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

JAVNI POZIV ZA KANDIDOVANJE PROGRAMA UTROŠKA PREOSTALOG DIJELA SREDSTAVA U BUDŽETU FBiH ZA 2014. GODINU

Federalno ministarstvo energije, rudarstva i industrije Mostar objavilo je treći Javni poziv za dodjelu preostalih sredstava za privredna društva koja su stradala u poplavama ove godine. Javni poziv je objavljen u dnevnim novinama „Oslobođenje“ od 25.12.2014. godine, u subotu će biti objavljen u dnevnim novinama „Dnevni list“, a u Službenim novinama Federacije BiH će biti objavljen u srijedu 31.12.2014. godine. Javni poziv ostaje otvoren do 09.01.2015. godine.

Pravo učešća na Javni poziv za Mjeru 1. Programa imaju privredna društva sa teritorije sljedećih kantona: Unsko-sanskog, Zeničko-dobojskog, Posavskog, Tuzlanskog, Srednje-bosanskog i Sarajevskog iz sljedećih sektora industrijske proizvodnje: Metalna, elektro i automobilska industrija; Građevinska industrija; Drvena i papirna industrija; Proizvodnja tekstila, odjeće, kože i obuće i Hemijska industrija i industrija gume i plastike.

Detaljnije podatke i informacije, vezano za Program i Javni poziv, mogu se pronaći na službenoj internet stranici Federalnog ministarstva energije, rudarstva i industrije: www.fmeri.gov.ba.

OBJAVLJEN JAVNI POZIV ZA PODRŠKU PROJEKTIMA U OBLASTI MEĐUOPĆINSKE SARADNJE

U skladu sa planom rada za 2014. godinu, za 40 partnerskih jedinica lokalne samouprave u okviru Projekta integriranog lokalnog razvoja (ILDP) objavljen je Javni poziv za podršku projektima u oblasti međuopćinske saradnje s fokusom na ekonomski razvoj koji bi se realizirali u 2015. godini.

Smjernice za podnosioc projektnih prijedloga mogu se naći na web stranici Saveza.

Ukupno raspoloživa sredstva iznose 320.000 KM, gdje finansijski doprinos ILDP-a po pojedinačnom projektu ne može biti manji od 40.000 KM niti viši od 80.000 KM. Traženo sufinansiranje svih učesnika u pojedinačnom projektu je 100 % od ukupne vrijednosti traženog granta od ILDP-a i ne manje od 40.000 KM. U principu, ovo znači da je moguće podržati od 4 do 8 projekata. Predviđeno je da projekat mora obuhvatiti barem dvije jedinice lokalne samouprave, gdje nosilac aktivnosti mora biti jedna od 40 partnerskih općina ili razvojne agencije i LAG-ovi osnovani od strane partnerskih općina.

Projekat integriranog lokalnog razvoja (ILDP) predstavlja zajedničku inicijativu Švicarske vlade i UNDP-a u BiH.



Schweizerische Eidgenossenschaft
Confédération suisse
Confederazione Svizzera
Confederaziun svizra